

Cose del giorno

(16)

109

Cos'el te mond che più bramed
e a dirò quasi più stimed.
Qualdun i dis sarà l'onor, *2 u*
d'un om che sia un professor *2 u*
d' storia, d' lingua, d' geografia,
istruì in filosofia,
d' un meccanich, d' un artist
ch'fa lavur can se mai vist,
d' un zittaden ca espost la pela
per 'na causa giusta e bela,
quist in fat iavrea da es
considered, ma ~~se da che~~ i su interess
per ches i vaga malament
poc e conta e su talent,
i stima più 'na testa d' legn
cl'ava di sold che ne l'ingegn.
Oggi giornè in generel
le l' or, l' arzent e capitel
quel che conta più di tutt,
e fa bel ma quii che brutt,
e tira fora di disturb,
quel che scioc e dventa furb.
E se mai sa vli 'na prova
sentì questa cla ne nova.
Provè un po d' andè in campagna
si in pianura che in montagna,
guardè chi chmanda ti comun
chi é ch' fa da caporion, *2 u*
A vidri un sindac possident
cla la testa pina d' vent,
iassessor, i consiglier *1*
sa volem parlé sincer
per lo più le contaden
chià consumè de pen, de ven,
e iavrà dett qualch paternostre
ma poc libre e mench inciostre,
sa trattam d' letteratura
ià la testa tropa dura;
ma siccom chià dla moneda
~~in~~ ti prim post i mett daseda.
Se at chi sit iè un murador,
un falegnem, ossia un sartor,
clava testa per quarenta
tra clà zenta i la ignorenta, *e*
i dis, valà cle un dispered
le deris e disprezed.
Saviv piutost chi po incontrè,
un negozient ca accomodè

alla mei al su faccend,
sla quattren che possa spend
le rispeted e riverid
se mill volt l'aves fallid.
Gran magagni l' interes
che fa nascond ai temp d' ades;
ed infat sa vni si incorr
le listes, anche dop mort.
Chi d' voielt i que d'avè
a ne ste dentra a tun ~~champsent?~~
nissun a cred can sia ste mai;
iv vest la tomba d' nusurai
che mort ricch, d' un vagabond,
quanti fronzol cla ha d' intond?
sebben chi dis cle ste un birbon
iv vist raza d' inscrizion?
Clera bon e virtuos
caritatevol, religios
lasa pu ch' fuss un furfent
con i quattren e dventa un sent.
E un ent povre galantom
che davera e fu un bon om,
cla cot al membre i la te sol
per mantné la moi e i fiol,
cla fini a morì d' pelegra
per 'na pega tenta megra
a le!... ~~ehsi butta~~ zu dla tera ados
a tun scased ossia tun fos,
e quand cius e sarà drenta
niench na crosa clal ramenta.
Gi un po su parlamma serie
el i sold, el al miserie
oggigiorne ch' conta più,
el l' infamia o la virtù
cla trionfa e cla solaza
digidil i qui sla piazza.
Qualdun i dis e pu a scommett
cla è più vecia de brudett,
ma a ne questa la rason
am fa rabia cert person
chal riten ca simma te scnr
can cnosimma sti lavur.
Povra genta com i sbaia
e cnos e popul cla canaia
cla ragira con d' ingan
a ne più temp di barbagian!...
Ed infat tutt i quattren
che sti sgnur i mett insen

con del trapul e d'intrigh
 a ne e prodot dli nost fadigh?
 Chi è ch fa l'agricoltor, ^{L e}
 e mariner, e murador,
 e falegnem, e calzoler,
 e sartor, e calderer
 i mestier più necesserie,
 a ne tutt i proleteric?
 Cosa voliv chi facia i sgnur
 cav racconta i su lavur?...
 La mattena quand le al nov
 is fa porté un caffè sa l'ov
 in te lett de servitor
 e pu i sta giù un ent pera d'or.
 Dop is che i fa clazion
 e pu i scapp i va in giron
 per savè qualca notizia
 o per trovè qualca amicizia,
 i torna a chesa ampi la penza
 e pu i torna dalla ganza ^{L he}
 a tun palaz o a tun negozio
 e tutt e giornè sempre in ozie.
 Ma me a dmand un' schiariment
 ma cla genta ca talent.
 Chi ha creè clà posizion?
 Com ai putù comprè al pusion?
 Com ella ste se generel
 chià mes insen ste capitel?
 Qualdun dià le ste i guadagn
 chiavù in comere, un po d' sparagn
 in ogni spesa dia famea,
 solenissimà busia!...
 In commerc quel chfa l'onest
 quand e magna e bev e e vest
 le tutt quel che po sperè
 che oggidì a niè nient da fe.
 In quant l'affer dl' economia
 de sparagn chiavù in famea
 iè gras e russ comè i campion
 i na magnè de forminton!...
 Me av dirò chi è che ste
 ma sta genta chià innalzé!
 Le ste i povre contaden
 che guadagnand e pen e ven
 i se tolt a fe dla stenta
 aqua scetta e un po d' polenta,
 per porté tutt e più bon
 ti magazzen di su padron!
 Le ste i povre mariner
 che affrontand i la in te mer
 e temp cattiv e la burasca
 con un trocle e con 'na fiasca
 d' accitela trista e poca
 e i padrun ià fat la moca.

Le ste quii che int' na miniera)
 da mattena infina sera,
 i guadagneva più dun scud
 e padron baron futud
 chi sa niech se ià de un french
 e putent volt chi sa anche mench.)
 Le ste insomma cla canaia!!!
 chi dis lor, (las pu chi baia)
 chià sudè l'istes di brich)
 ma sta genta per fei rich.
 E in compens mast' operai
 quand' il ved a fe i sbadai,
 vliv savè quel chii ii da
 sempre in titol d' carità?...
 Una minestra pun baioch
 no cridi che sia poc!!!
 che fata in chesa, o pasta, o ris
 i vo sei cianti a sent chi dis.
 Me can so tent pessimista
 ragionand ha ho sta vista.
 In càttiva circostenza
 per potè rampi le penza,
 i povrè d' spirit iè content
 da sfames per e moment,
 le sempre un at d' filantropia
 ca compì la borghesia.
 Ma l'artist un po sapient
 che in te cor qualcosa e sent
 le una cosa el' avilis
 enca un stupid el capis.
 La parola *carità*
 a sti temp lan si confà
 ma *lavor e associazion*
 iv capi i mi sor padron.
 Al so! voiet'ai temp d' ades
 a n' avri gran interes
 a propaghela sta dottrena
 per paura cla v' arvena,
 In ogni mod o prest o terd
 le una vempa cla vo erd
 an basterà per dei riper
 tutt al iaque che in te mer.
 Me le un pezz ca n' eva scritt
 perchè a sera trop afflit,
 a mutiv d' na circostenza
 ca ma fat pati abbastenza;
 ma siccom ca ho di fiol
 ch' iè abbastenza ragazol,
 a iò scritt un ent do righ
 acciò chi possa comprè i figli.

G. V.

(Proprietà letteraria)